

(...)

Rogier, testament ./.

.....  
887

Au nom de dieu soict scaichent tous p(rese)ns  
et advenir que l **an mil six cens vingt et neuf** et  
le **neufiesme** jour du mois de **decembre** apres midy a  
**une piece terre que francois lamothe a proche le**  
**chemin appelle des thourons** consulat de **villemur** dans  
lequel chemin et **aux hutes qui ont este faittes po(ur)**  
**mettre ceulx que ce pourroit treuver** estre ]tœuehe[ **frapes**  
**de la maladie contagieuse** le testateur a este a este mis  
po(ur) estre atteint de lad(ite) maladie, au diocese bas  
montauban et( )seneschaucee de tholose regnant n(ot)re  
souverain et tres chrestien prince louys par la grace  
de dieu roy de france et de navarre, dans laquelle piece  
moy d(it) no(tai)re royal soubs(sig)ne et les tesmoingz bas nommes  
no(us) estans rendus se seroict presente **pierre rogier**  
**cellier** habitant dud(it) villemur lequel se santant **indispose**  
**de son corps** mais par la grace de dieu en ses bons  
sans jugement memoire et cognoissance bien voyant  
oyant et parlant considerant l incertitude que toute  
creature a de l heure de son deces et po(ur) estre d autant  
mieulx dispose lors qu( )il plaira a dieu l appeller a  
soy a de son bon gre pure et( )franche volonte non  
seduict induict ny suborne de personne faict  
et declaire a haulte voix son testament et der(nier)e disp(osition)  
de ses biens et ce en la forme suivante en premier  
lieu led(it) testateur a invoque le nom de dieu le  
suppliant au nom et( )par la merite mort et( )passion  
de son filz jesus christ luy vouloir pardonner  
ses peches et apres c( )este vie recevoir son ame en  
son paradis celeste si ordonne que continant apres

.....  
son deces son corps soict ensevely au cemitiere dud(it) villemur  
siy la maladie contagieuse ne l empeche et que dieu luy  
face la grace de se relever de la maladie qu( )il a a p(rese)nt  
selon l ordre de la religion catholicque romaine  
remettant ses honneurs funebres a la discrection de  
**anthoinette bonnette sa femme** laquelle quoy que  
**de contraire religion** il s assure que s en acquitera  
chrestiennement, declairé led(it) testateur que quoy  
qu( )il peult contester et debattre la substitu(ti)on faitte par  
**feu guill(aum)e rogier son pere** de ses biens et heredite  
a luy laisses en faveur de ses au(tr)es enfans f(re)res dud(it)  
testateur que neanmoingz po(ur) esviter proces **marie**  
**rogiere vefve de pierre ratier sa soeur germaine**

et au(tr)e **marie rogiere le(ur) soeur consanguine** recullassent  
appres son deces les biens a luy laisses par sond(it) pere  
distract prealablement sur iceulx le droict de  
legitime po(ur) sa femme et heretiere ou po(ur) les  
substitues a icelle en cas elle decederoit plutost que  
luy et au moyen de ce led(it) testateur prohibe a  
sesd(ites) soeurs de rein demander ny contester sur ses  
biens et heredite en facon que ce soict item a dict  
et declaire led(it) testateur que dans sa ma(is)on aud(it)  
villemur **germaine daspe sa belle mere** a une  
coette remplie de plume deux chauderons ung grand  
et ung petit de cuivre une casse aussi de cuivre une  
*pinte* ung quart et ung uchau estaing une concque de  
terre ung culier fer trois cubatz quatre ruscz barriq[ues]  
quatre semalz ung cremail fer, et une caisse remplie  
de linge et au(tr)es choses tous lesquelz m(e)ubles il veult

---

888

que lad(ite) daspe rettire sans que personne luy puisse  
donner aucung empchement comme les luy ayant bailles en  
gardé de bonne foy, et pareillement veult que soict  
rettire par **ysabeau ]chaubarde[ bonette sa belle soeur femme de  
jean chaubard** ung coissin remply de linge ou au(tr)es  
choses qui est dans sad(ite) ma(is)on et qu( )elle luy bailla en  
gardé de mesme que sa belle mere pendant ses d(erni)ers  
mouvemens, et en tous et ch(ac)uns les biens noms  
droictz voix et actions dud(it) rogiere testateur icelluy  
a faitte et de sa bouche nommee son heretiere universelle  
et generale lad(ite) anthoinette bonnette sa femme laquelle  
decedant sans enfans ou plutost que led(it) testateur il  
veult et ordonne que ses biens adviennent scavoir  
une piece vigne et terre joignant qu( )il a scittuee au  
lieu appellé de **las derouquades** de la contenance de six  
rases ou environ confront(tant) du hault bout avec **la coste de  
cambourel** d ung coste et tout du long avec vigne de jacques  
faure du fondz avec le **chemin** appelle **de las derouquades**  
tendant **de villemur a poutous** et d au(tr)es coste avec vigne et  
terre de bertrand clayrac ./ a **marie ratiere femme  
d ysaac auriol sa niece** ensemble adviendra a lad(ite)  
ratiere ung cubat qu( )il a dans sad(ite) ma(is)on ]et[ une barricque  
vin avec son rusc ^° et a lad(ite) germaine daspe adviendra  
quatre barricques vin qui sont aussi dans sa ma(is)on le bois  
appartenant a icelle, et a **jean mestre filz de lad(ite)  
ysabeau bonnette et de feu** au(tr)e **jean mestre son premier  
mary** adviendra une piece terre que led(it) testateur a au  
lieu de poutous joignant terre de pierre delmas  
dit camayat et po(ur) le surplus de ses biens et heredite  
en quoy que conciste led(it) tetateur aud(it) cas que sad(it) femme  
feust decedee avant luy ou appres sans enfans veult  
que adviene par esgalles portions a lad(ite) germaine  
daspe sa belle mere ysabeau bonnette sa belle soeur

---

et a lad(ite) ratiere sa niece que sera ung tiers a  
ch(ac)une a la charge de paier aussi par esgzlles portions  
les charges et debtes dont il se treuvera charge le jo(ur)  
de son deces et ainsi led(it) rogier a ordonne son testament  
et d(ernie)re disp(ositi)on nuncupatifve que veult que soit valable  
par droict de testament codicille et au(tr)e meilleure forme  
que mieulx pourra valloir cassant revocquant et annullant  
to(us) au(tr)es testamens et disp(ositi)ons precedantes affin que le  
p(rese)nt sorte son plain et entier effect si a pries les tesmoins  
par luy recogneus de ceste siene disp(ositi)on porter tesmoinage  
et a moy not(air)e m a requis luy en rettenir instrument ce  
qu( )ay faict ez p(rese)nces de daniel voulous marchand  
jean bousquet jean vacquie francois lamothe signes  
jean durant ]~~travailleu~~[ anthoine vigie et pierre castaing  
travailleurs ]~~eouss~~[ dud(it) villemur habit(ant)z ne scaichant signer  
et **led(it) testateur n a signe po(ur) ne l avoir hose aborder  
a cause de la maladie contagieuse dont il est atteint**  
et moy no(tai)re <sup>^o</sup> et ung mortier ou moulin a fere mostarde

Boulous            Bousquet            Vacquier, p(rese)nt

Lamothe

Esteverin, not(aire)